

國朝史料零拾

不許複製製

昭和九年  
康德元年

十月印刷發行

(非賣品)

發行所

旅順庫籍整理處

旅順扶桑町三番

編輯者

羅福頤

大連紀伊町五十一番

印刷所

墨緣堂

大連紀伊町五十一番

印刷者

林萬程

國朝史料零拾目錄卷二

孫珀齡劾龍鼎學揭帖

順治三年

王應昌報撫過浙東偽官事揭帖

順治四年三月

王儀為廢紳謀逆謹拏獲候處揭帖

順治五年三月

吳景道為起出前朝郡王印冊事揭帖

順治五年五月

陰潤劾洪承疇揭帖

順治九年

蘭一元遵旨陳地方疾苦揭帖

順治十二年二月

洪承疇代胡茂禎仰謝天恩併陳下情揭帖

順治十三年二月

秦世禎為王千里通賊事揭帖

順治十三年閏五月

戎性恭報攻克樓寨巨寇事揭帖

順治十五年八月

洪承疇陳內固之計應圖萬全事揭帖

順治十六年八月

王郡賀見慶雲揭帖 雍正八年

王鵬沖請示奉迎 聖駕啓 順治元年

曹溶遵旨薦舉人才啟 順治元年八月

多羅貝勒討吳三桂招撫逆黨告示

曹溶為孫承澤領取房屋遺物呈 順治元年

孫廷銓因病請辭任呈 康熙三年四月

太醫院醫士程儀鳳證孫廷銓患病保結 康熙三年四月

孫錫庚任浙江學政兵部發兵票咸豐八年七月

國目

國朝史料零拾卷二

上虞羅福頤校錄

孫珀齡劾龔鼎孳揭帖

工科給事中孫珀齡謹

揭為邪臣不宜濫徼

卹典據事駁參以杜倖端事竊惟

朝廷優下之典莫重於

恩卹臣子不世之遇莫大於榮親此非有勞勩之足錄

亦必有行能之可嘉未有以倖位匪人而可希冀

不恒有之

思者如太常寺少卿龔鼎孳貪狡淫穢不齒人類乃于

其父之亡也援例清陳安觀

邱典職不能嘿嘿無說而處此孽以前朝罪人流賊

御史蒙

朝廷拔置諫垣優轉清卿曾不聞夙夜在公以答

高厚日惟飲酒酣歌俳優角逐晝夜流連即其父顛沛

烽火家信頻聞畧不介念良因孽前在江南用千

金買得一妓名曰眉生戀戀難割多為奇房異珍

以悅其心而其淫縱之狀哄笑長安言之羞人齒

頰已置其父母糟糠于度外矣及其父之訃音至

而歌飲如故流連如故真可謂不孝之罪上通于

天猶敢冀徵非分之典誇耀鄉里而欲大肆其武斷把持

之光焰也耶總之孽青樓情深則白雲意淡醉眼  
未醒而血淚徒乾其父九原有知應不以為子矣  
以如此虧行滅倫之臣而援例以乞  
恩典則為妄

恩典而驟加之孽則為褻乞  
勅部查奏停格庶為臣為子者知警而  
朝廷隆恩不至誤及匪人矣為此除具

題外理合具揭須至揭帖者

順治三年七月十一日

王應昌呈報撫過浙東偽官事揭帖

巡按浙江試監察御史王應昌謹

呈為恭報撫過浙東偽官仰祈

聖鑒事切惟我

皇上

皇叔父攝政王大度寬仁勦逆撫順凡在投誠即予不  
殺乃自

王師渡江一時渠魁如方如馬如鄭如熊或誅或遁  
其餘士紳有為時勢所迫亦有為助餉所挾甚有  
身未出門而名列縉紳各懷疑懼遠巡不敢出山  
職與督臣撫臣商議先出示招徠宣布

皇恩令其各在道府縣報名俟職巡歷之日各出投見  
今職巡歷事竣所有招撫過各官姓名除造冊呈



送都察院轉咨吏部外相應具

題伏乞

勅下該部查照施行為此除具  
題外理合具揭須至揭帖者

右具

揭帖

順治肆年三月

日

王愴為廢紳謀逆謹拏獲候處揭帖

欽差

協理軍務巡撫安徽富池太康蕪湖光固蘄  
廣德總湖口等處地方都察院右僉都御史王愴謹

揭為江右警報甫聞廢紳逆謀遽起謹拏獲糾參懇

乞

聖明勅部究處以遏亂萌以安人心事職於二月初七日在太平聞報江西金聲桓叛亂職屬安徽池三府地皆接壤且據江南上游隨即單騎馳赴池州居中調度分發撫鎮兵馬扼防江之南北咨請總督部院臣馬 指示方畧調發滿漢大兵相機會勤拮据糧料併嚴檄各屬謹守城池嚴查姦細不遺餘力除一切塘報及應行事宜俱陸續咨達總督部院臣馬 商酌彙奏外乃有姦貪徂詐為明朝遣戍罪紳如建德縣胡士昌者陰蓄不軌乘亂倡迎今實據其事為我

皇上

皇叔父攝政王陳之二月十七日先准池州總兵卜從善塘報據防守建德叅將王顯柱報稱面晤署縣事本府經歷張應杰云胡士昌網巾大袖口稱大  
事已就勸縣官速為迎順夜間家人穿戴白衣白帽往來城中意懷觀望等因節據道府塘報相同  
又據該縣署印經歷張應杰密揭內稱會同教官張德明親詣其宅面見士昌果服明季冠裳一見即云迎接等語等因各報到職職聞之驚駭隨一面咨報督臣馬一面差標營中軍胡從順同池鎮官丁前去著落張應杰密拏三月初二日據張應杰報稱於離城二十里葛公鎮地方因士昌有

門下快手屈冬聞信先報士昌遂騎馬奔逃該差  
官立將士昌併伊家人胡討壽及屈冬一同捉獲  
共計三名隨搜獲本宦家藏前朝紗帽朝冠各一  
頂紗帶一圍圓領七件腰刀大刀共三把槍叉二  
桿同解到職職隨提三犯隔別研審俱口供前情  
俛首無辭除將三犯監候併所獲官帽等件驗明  
貯庫外該職看得胡士昌雖明末被逮之貪令然  
嘗讀書登第服官知法當人心風鶴之時宜申言  
我

朝廷恩德講明順逆以安定梓里猶不失為順民乃徑  
服前代衣冠併易其家人衣帽往來城中招搖煽

惑且勸縣官云大事已就速為迎降是何悖逆若  
此建邑一隅實關南省要害籍非其詗張敗露立  
就擒獲則勾引叛逆為害封疆可勝言哉搜獲既  
有確據研審又無異辭職謹會同巡按江甯監察  
御史竇蔚合詞具

題伏乞

聖明勅部究處施行為此除具

題外理合具揭須至揭帖者

順治五年三月 日右僉都御史王愷

吳景道為起出前朝郡王印冊事揭帖

欽差巡撫河南等處地方提督軍務兼理河道都察院右副都御史吳景道為

進解起出前朝郡王印冊事順治五年閏四月十四

日據彰德府知府武光祖申據安陽縣知縣姚洪

烈申稱有在城生員王治明因吃水不便將洛川

王府後街舊井一眼約本街人民李鑾李王等僱

覓淘井人邵得貴馮九科於四月二十九日下井

淘出冊葉一塊出首到縣卑職即親謁本府同至

井邊復起出冊葉二十三塊印一顆責令銀匠喬

成陳五驗看印一顆係鍍金銀印鍍金銀冊葉二

十塊鍍金銅冊葉四塊兩數不等各有造就字樣

話語等因到職隨行文該府將印冊提取前來

復喚銀匠再加驗看其銅冊葉四塊委係銅葉而

鍍金銀印一顆鍍金銀冊葉二十塊看係淡金俱  
用印封相應

進解為此理合開坐奏

聞伏乞

聖鑒察收外理合具揭須至揭帖者

計開

鍍金銀印一顆驗係淡金重一百一十五兩

鍍金銀冊葉二十塊驗係淡金各分兩不等共

計重四百九十四兩一錢

鍍金銅冊葉四塊各分兩不等共計重六十八

兩七錢

右具

揭帖

順治五年五月初三日

巡撫河南都察院右副都御史吳景道

陰潤劾洪承疇揭帖

戶科左給事中陰潤謹

揭為

聖度如天臣節宜勵敬竭忠告之誼以責輔弼之效事

職於十一日隨諸臣後跪聽

上傳

皇上昭雪張燿冤抑一案慰忠魂而褫權奸仁至義盡



職不覺感極而繼之以泣也

皇上知張煊之為忠臣則凡天下之為忠臣者莫不思奮矣

皇上知陳名夏之為小人則凡天下之為小人者無不膽寒矣職皆可以無言獨於洪承疇職不能不借一箸也承疇為

朝廷舊臣固宜公爾忘私

國爾忘家以圖報稱勉酬

知遇乃近年以來比附名夏漫無主衡名夏之所可者承疇因而可之名夏之所否者承疇因而否之交好日密線索由人以致公論不平骨骸短氣人人